

## ՀԱՇՎԵՏՎՈՒԹՅՈՒՆ

### ՀՀ ԲԱՐՁՐ ՏԵԽՆՈԼՈԳԻԱԿԱՆ ԱՐԴՅՈՒՆԱԲԵՐՈՒԹՅԱՆ ՆԱԽԱՐԱՐՈՒԹՅԱՆ ԹՎԱՅՆԱՑՄԱՆ ՎԱՐՉՈՒԹՅԱՆ ՊԵՏԻ ՏԵՂԱԿԱԼ ՄՈՎՍԵՍ ԶԱՊԱՆՅԱՆԻ՝ ՌՈՒՍԱՍՏԱՆԻ ԴԱՇՆՈՒԹՅՈՒՆ (Ք.ՄՈՍԿՎԱ) ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

#### 1. Անունը, ազգանունը.

Մովսես Զապանյան:

#### 2. Զբաղեցրած պաշտոնը.

Հայաստանի Հանրապետության բարձր տեխնոլոգիական արդյունաբերության նախարարության թվայնացման վարչության պետի տեղակալ:

#### 3. Գործուղման վայրը և ժամկետները.

Քաղաք Մոսկվա (Ռուսաստանի Դաշնություն), 2022թ. հուլիսի 24-ից հուլիսի 25-ը:

#### 4. Գործուղման նպատակը.

Մասնակցություն Եվրասիական տնտեսական միության էլեկտրոնային թվային ստորագրությունների փոխադարձ ճանաչման գծով միջգերատեսչական աշխատանքային խմբի հերթական նիստին:

#### 5. Հրավիրող կողմը.

Եվրասիական տնտեսական հանձնաժողով (Պետական գնումների և մրցակցության դեպարտամենտ):

#### 6. Քննարկված թեմաները.

Հանդիպումը վարում էր ԵՏՀ Պետական գնումների և մրցակցության դեպարտամենտի պետական գնումների իրավական ապահովման, մեթոդաբանության և քաղաքականության բաժնի պետ Ելենա Իվանովան: Հանդիպմանը անմիջական ներկա էին ներկայացուցիչներ Ղազախստանի Հանրապետությունից, Բելառուսի Հանրապետությունից, Հայաստանի Հանրապետությունից, ԵՏՀ Պետական գնումների և մրցակցության դեպարտամենտից և «ԳազինֆորմՍերվիս» ընկերությունից: Մյուս երկրների մասնակիցները միացած էին տեսակապի միջոցով:

Հանդիպման ժամանակ «ԳազինֆորմՍերվիս» ընկերության ներկայացուցիչ Սերգեյ Կիրյուշկինը ներկայացրեց «Միջազգային պայմանագիր. էլեկտրոնային թվային

ստորագրության փոխադարձ ճանաչման հիմնական հասկացությունները և մոտեցումները» թեմայով զեկույց, որտեղ ներկայացվում էր էլեկտրոնային թվային ստորագրությունների երկրների միջև փոխադարձ ճանաչման ՄԱԿ կողմից հաստատված ստանդարտները (UNCITRAL) և ԵՄ կողմից կիրառվող իրավական ապահովման պրակտիկան:

Զեկույցի ժամանակ անդրադարձ կատարվեց ԵՄ 1999/93 (eIDAS) դիրեկտիվային և վիճակագրության միջոցով ներկայացվեց թե ԵՄ անդամ որ երկրներում, ինչ եղանակներով է ներդրվել դիրեկտիվայի պահանջները, որ երկրներն են փոխադարձ ճանաչում էլեկտրոնային թվային ստորագրությունները և այլն: Զեկույցի ներկայացումից հետո քննարկումներ ծավալվեցին ՄԱԿ կողմից ընդունված UNCITRAL ստանդարտի հոդված 10-ի (էլ. թվային ստորագրության վստահություն) և 12-ի (էլ. թվային ստորագրության ճանաչում) ԵԱՏՄ անդամ-երկրներում ներդնելու հնարավոր եղանակների ընտրության հարցերի շուրջ: Քննարկվեց նաև ԵՄ eIDAS դիրեկտիվայի հոդված 14-ի (միջազգային շրջանակներ) կիրառման եղանակների շուրջ: Քննարկվեց նաև միջազգային OASIS DSS և X509 էլեկտրոնային թվային ստորագրության փոխադարձ ճանաչման ստանդարտների, պրոտոկոլների առավելությունները և թերությունները, ԵԱՏՄ անդամ-երկրներում էլեկտրոնային թվային ստորագրությունների փոխադարձ ճանաչման ժամանակ ներդրման հնարավոր տարբերակները: Մասնակիցները կարևորեցին նաև «Համացանցի Ճարտարագիտական Խորհրդի» (IETF) էլեկտրոնային թվային ստորագրությունների փոխադարձ կիրառմանը ներկայացվող պահանջների բավարարումը և դրանց հետևելը:

## **7. Հանդիպումները, ելույթները, բարձրացված կամ քննարկված հարցերը.**

Հանդիպման ժամանակ հայկական կողմը ամփոփ ներկայացրեց մինչ այժմ կատարված աշխատանքները: Հանդիպման վարողի՝ էլեկտրոնային թվային ստորագրությունների փոխադարձ ճանաչման գործընթացի ներդրումից հետո՝ գնումների հարթակներում գործարքների կատարման ժամանակ, վերջիններիս իսկությունների ստուգման անհրաժեշտության հարցի վերաբերյալ հայկական կողմը նշեց, որ հնարավորության դեպքում առաջարկվում է չստուգել վստահված երրորդ կողմից ստորագրության իսկությունը: Առաջարկվեց գնումների ոլորտում պետական լիազոր մարմինը կամ հենց գնումների

հարթակները՝ ունենալով անհրաժեշտ ապարատաճրագրային գործիքակազմ, իրականացնեն էլեկտրոնային թվային ստորագրության իսկության ստուգում:

Մասնակիցները կարևորեցին «Եվրասիական տնտեսական հանձնաժողովի մասին» պայմանագրի 88-րդ հոդվածին համահունչ աշխատանքների իրականացումը, որտեղ նշված են ԵԱՏՄ պետական (մունիցիպալ) գնումների կարգավորման սկզբունքները և նպատակները:

Ռուսաստանի Դաշնության անվտանգության դաշնային ծառայության ներկայացուցիչը ներկայացրեց Անվտանգության դաշնային ծառայության դիրքորոշումը «ԵԱՏՄ անդամ-երկրների պետական գնումների մասնակցության նպատակով էլեկտրոնային թվային ստորագրությունների փոխադարձ ճանաչման» կանոնների նախագծի վերաբերյալ: Հստակ նշվեց որ Կանոնների նախագծի ներկայացված խմբագրմանը դեմ են և առաջարկում են ԵԱՏՄ անդամ-երկրներում ստեղծել կամ Եվրասիական տնտեսական հանձնաժողովում արդեն իսկ առկա Հավաստագրման կենտրոնին օժտել վստահված երրորդ կողմին սերտիֆիկացման (հավատարմագրման) գործառույթներով: Նշվեց, որ Եվրասիական տնտեսական հանձնաժողովում գործող հավաստագրման կենտրոնը գործառույթներ է իրականացնում պետական մարմինների միջև (G2G) էլեկտրոնային թվային ստորագրությունների փոխադարձ ճանաչման ուղղությամբ, անհրաժեշտ է նաև պատվիրակել գործառույթներ բիզնեսի հետ (B2G) էլեկտրոնային թվային ստորագրության փոխադարձ ճանաչման գործընթացների կարգավորման ուղղությամբ:

Եվրասիական տնտեսական հանձնաժողովի ներկայացուցչի կողմից նշվեց, որ անհրաժեշտ է սահմանել և նույնականացնել վստահված երրորդ կողմի սերտիֆիկացման (հավատարմագրման) պահանջները:

Ղազախստանի ներկայացուցիչը նշեց, որ Կանոնների նախագծում պետք է ներառվի էլեկտրոնային թվային ստորագրության ճանաչման ապահովման դաշտերը, էլեկտրոնային թվային ստորագրության փոխադարձ ճանաչման ժամանակ իսկության ստուգման տեխնիկական մասը:

Անվտանգության դաշնային ծառայության ներկայացուցիչը առաջարկեց նաև հստակեցնել, Կանոնների նախագծում ներառել վստահված երրորդ կողմի հետ տվյալների փոխանակման կապի ապահովման կրիպտոգրաֆիկ ալգորիթմների սխեման:

Ռուսաստանի Դաշնության և Ղազախստանի Հանրապետության ներկայացուցիչների ներկայացրած դիրքորոշումներին համակարծիք չէին Բելառուսի Հանրապետության, Հայաստանի Հանրապետության և Ղրղզստանի Հանրապետության ներկայացուցիչները:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Կողմերը արձանագրեցին այն փաստը, որ ԵԱՏՄ էլեկտրոնային թվային ստորագրությունների փոխադարձ ճանաչման գործընթացը անհրաժեշտ է կազմակերպել այն մոտեցմամբ, որպեսզի հետագայում հնարավոր լինի նաև անդամ-երկրների գնումների էլեկտրոնային հարթակներում իրականացվող գնումների գործընթացներին ապահովել մասնակցություն ոչ ռեզիդենտ կազմակերպություններին:

Կողմերը ձեռք բերեցին պայմանավորվածություն քննարկման ժամանակ հնչած առաջարկությունների հիման վրա փոփոխել Կանոնների նախագիծը և հանդիպման արձանագրությամբ ներկայացնել դիրքորոշման անդամ-երկրների շահառու կառույցներին:

**9. Ստորագրությունը, ամսաթիվը.**

Մովսես Չապանյան



26.07.2022թ.